

Մ. Զուլալյան

16-րդ ԴԱՐՈՒՄ ԱՐԵՎՍՏՅԱՆ ՀԱՅԱՍՏԱՆՈՒՄ ՏԻՐՈՂ
ՔՈՒՐՔԱԿԱՆ ՀԱՐԿԱՅԻՆ ՍԻՍՏԵՄԻ ՄԱՍԻՆ

16-րդ դարի առաջին կեսին Հայաստանի տերիտորիայում մղվող թուրք-ղլղբաշական երկարատև պատերազմների հետևանքով Արևմտյան Հայաստանի ու Քրդստանի տերիտորիան նվաճվեց թուրքերի կողմից: Հայ ժողովուրդը ընկավ ոչ միայն թուրքական, այլև քրդական ֆեոդալիզմի լծի տակ: Հանձին թուրքերի, քուրդ բեկերը գտան ուժեղ հենարան, որն ապահովում էր նրանց ֆեոդալական իրավունքները հպատակների նկատմամբ:

Այս հողվածում մենք կընենք թուրքական հարկային սիստեմը Հայաստանում:

Թուրքական լծի ծանրությունը նախ և առաջ արտահայտվում էր անցյալում հարկային քաղաքականությունից: Համապատասխան փաստաթղթերի բացակայությունը անցյալում թույլ չի տվել կոնկրետ կերպով ուսումնասիրել այդ հարկային սիստեմը:

Արևմտյան Հայաստանի բնակչությունից դանձվող հարկերի մասին մտաւոր պատկերացում կարելի է ստանալ 1945 թ. ժամանակակից թուրք պատմաբան Օմեր Լութֆի Բարքանի Անկարայում լույս տեսած արխիվային նյութերից՝ այսպես կոչված կանուն-նամեններից¹ (Օրենսգրքերից), որոնց մի մասը վերաբերում է Արևմտյան Հայաստանի նահանգներին:

* * *

Օսմանյան կայսրության բնակչության աշխատավոր մասը, նախ և առաջ գյուղացիությունը, ինչպես ոչ մուսուլման, այնպես էլ մուսուլման, իր ուսերի վրա էր կրում պետական ազարատի կողմից կատարվող շահագործման ամբողջ ծանրությունը, վճարելով բազմաթիվ ու բազմապիսի հարկեր, թե անմիջապես պետությունը, և թե տեղերում նշանակված ֆեոդալներին՝ այսպես կոչված զալմներին, թիմարլոթներին² ու մյուսներին:

¹ Omer Lütfi Barkan „XV ve XVI inci asirinda Osmanlı Imperatorlugunun Ziraî ekonominin hukukî ve malî esasları“ birinci cilt, Ankara 1945.

² 15—17-րդ դարերում Օսմանյան կայսրության մեջ պետական հողը հիմնականում, որպես առանձին ավաններ, այսպես կոչված «զիամեթներ» և «թիմար»-ներ բաժանված էր ֆեոդալներին՝ պայմանական տիրապետության իրավունքով: Այն հողերը, որոնց տարեկան եկամուտները կազմում էին 20 հազարից մինչև 100 հազար աչիե, կոչվում էին «զիամեթ»-ներ, իսկ տարեկան 300-ից մինչև 20 հազար եկամուտ բերող հողատիրները կոչվում էին «թիմար»-ներ: Այդ հողատիրներին տիրապետած ֆեոդալները համապատասխան ձևով կոչվում էին զալմներ և թիմարլուներ, այլ կերպ ասած թիմարլոթներ: Զիամեթները և թիմարլոթները ավելի հայտնի էին սիփահիներ (պարսիկներն հեծյալներ) անուններով: Նրանք պարտավոր էին կատարել զինվորական ծառայություն պետության